

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

LXI.

S. D. Reverende Dn. Doctor, Superintendens,

Domine ac frater observande & carissime.

Gratias tibi reverenter ago, quod hunc nostratem Melchiorem Junium benigne complexus juvisti, ut vestro beneficio isthic incumbere studiis bonarum artium & Theologiæ potuerit hætenus, teque oro quam possum officiosissime, ut isthuc reverentem fiducia vestræ benignitatis, posthac quoque tibi commendaram habeas, ut egentem orphanum, & studia ipsius tuo patrocinio consilio & ope provehas, ut confirmata ætate & formato judicio servire Ecclesiæ Dei possit. Ex ipso statum rerum nostrarum cognosces, qui quidem Dei beneficio adhuc mediocris est. Bellum adhuc ardet ad mare Balticum inter duos Reges vicinos & sobrinos, cum utriusque damno & jactura ferè incomparabili, tantis exarserunt inter se odiis, quæ cumulata sunt acceptis & illatis ultro citroque jam injuriis & cladibus, aded, ut nullas pacis conditiones, latas utriusque Rostochii ab Imperatoris, aliquot Electorum ac Principum legatis, accipere voluerint. Ejus incendii damna etiam sentiunt vicinæ regiones & maritimæ civitates omnes, atque procul etiam habitantes negotiationum socii. Deus averrat, ne idem incendium scintillas suas spargat in hanc quoque terram Misnicam, propter affinitatem, quæ nostro Electori est cum Rege Danico. Mitto tibi scripta quædam, ex quibus cognosces, Dei beneficio iterum coalescere studia & voluntates vicinarum Academicarum, miserè distractas prius spiritu Flacico. Nos quidem putamus & Deo gratum esse & Ecclesiæ utile hoc studium nostrum juvandæ & confirmandæ conjunctionis, de qua illa est amplissima promissio: Quia ibi mandavit Dominus benedictionem & vitam usque in seculum; Et Christus inquit: Beati pacifici, quia filii Dei vocabuntur. Vobis etiam gratulor istam in Ecclesia tranquillitatem, & Deum oro, ut dulcis inter vos & omnes conjunctarum Ecclesiarum gubernatores diu sit concordia. Bene ac sæliciter vale cum tuis omnibus, & saluta tuos collegas omnes, & gubernatores studiorum in celebri Gymnasio vestro, & Dominum Doctorem Sebaldum fratrem mihi carissimum. Salutat te filius meus Paulus, cui desponsata est Domini Doctoris Georgii Majoris filia, Maria, celebraturo nuptias Deo juvante die Galli, quo die tu quoque voris piis tuis nobis assistes. Datæ festinanter 16. die Septembr. Anno 1564.

Paulus Eberus.